

بابا صاحب امبیڈکر



ڈاکٹر جاوید راہی

ڈاکٹر بھیم راؤ امبیڈکر ناہم ”بابا صاحب امبیڈکر“ کا ناں سنگ وی یاد کراں۔ انہاں نے قومی یکجہتی، بھائی چارے تے میل ملاپ نا باندھ دین واسطے اپنی پوری زندگی وقف کر دتی۔ رنگ نسل تے ذات پات توں بچھن سماج واسطے وے پوری حیاتی جدوجہد کرتا رہیا۔ ان کی پیدائش 14 اپریل 1891ء ناضلع اندور کا ”مہو“ گراں ماہوئی۔

ڈاکٹر امبیڈکر کا دادا مالوجی مہو گراں کا فوجی سکول کا صوبے دار تھا۔ ان کو خاندانی ناں سنکپال تھو وراں کا والد رام جی نے اپنا آپ ناں چھپان واسطے گراں کوناں نا استعمال کیو۔ یوہ عام رواج تھو کہ جت کدے ناں گا آخر و ”کر“ آوے تھوتے وہ اس جگہ نا ظاہر کرے تھو جت کو بندورہن آلو وھے۔ ان کا گراں کوناں امبا واد تھو۔ اس وجہ ناں اُن کوناں امبا واد کرہو نو چاہیے تھو۔ ”امبیڈکر“ ناں کو اک برہمن اُن کو اُستاد تھو جس نے چھوٹا ہوتا ہی اُن کوناں امبیڈکر رکھ چھوڑ یو۔

ہندوستان کا ہندواں مانگجھ لوک مندھری ذات کا منیا جیس تھا۔ سماج مانہ کوئے ان کی فکر کرے تھوتے نہ ہی کوئے ان سنگ پیار کرے تھو۔ اُچی ذات کا لوک ان کے سنگ نفرت کریں تھا۔ تے انہاں سنگ میل ملاپ کرن ما اپنی بے عزتی سمجھیں تھا۔ اسے طراں کا اک اچھوت کنبہ ما ڈاکٹر امبیڈکر کو جنم ہوو۔ بھیم راؤ امبیڈکر نے بعد ما وھے کا رنامہ انجام دتا کہ اُنہاں ناں ہندوستان کو سب توں بڑا عزاز ”بھارت رتن“ دتو گیو۔

ڈاکٹر امبیڈکر نے اپنی پہلی تعلیم اپنا گراں ماہی حاصل کی تے بعد میں ہندوستان توں باہر چلا گیا تے اُن توں اعلیٰ تعلیم حاصل کر کے وھے واپس ہندوستان آیا۔



ڈاکٹر امبیڈکر نے ہمیشہ نا انصافی، ظلم تے زور زبردستی کے خلاف جنگ لڑی۔ وہ ہر مسئلہ کو حل قانون کی روشنی مالموڑیں تھا۔ اُن کو کہنو تھو کہ اگر مسئلہ کو حل قانون کی روشنی مانہ ہو یوتے پورا ملک ماں افراتفری پھیل جے گی۔ ہندوستان کو قانون تیار کرن آلی کمیٹی کا ویہ چیئر مین تھاتے اُنہاں کی سربراہی ماں ہندوستان کو آئین تیار ہو یو۔ امبیڈکر کی زندگی ور مہاتما بدھ، کیر داس، تے ہو ردوجا بڑالوکاں کا خیالات کو بڑواثر تھو۔ ویہ ایسو سماج بنانو چاہویں تھا۔ جس ماسب برابر وھیں، سبھاں نا آزادی حاصل وھے تے ملک کا غریب تے کچھڑیا واطبقاں نا انصاف لھے۔

ڈاکٹر امبیڈکر نے ہندوستان کا کروڑاں انساناں نا وہ سب کچھ دوجیہڑواج اکیویں صدی ما دُنیا نا حاصل ہو یو۔

ڈاکٹر امبیڈکر نے آزادی تے آپس مامیل ملاپ ورچُ زور رکھیو۔ انہاں نے پسماندہ ذاتاں، قوماں تے قبیلان واسطے ان تھک محنت کی۔

ڈاکٹر امبیڈکر کا ذہن ما انسانیت تے انساناں نال محبت تے دوستی کی جیہڑی لو بے تھی جس کا نال اُنہاں نے پوری زندگی ہر موقعہ ور کامیابی حاصل کی۔

5 دسمبر 1956ء ماناں بابا صاحب امبیڈکر اس دنیا توں چلے گیا۔

موجودہ دور کا حالات مایاہ گل ضروری ہے جے ہم سب ڈاکٹر امبیڈکر کا دسیا وارسا اور چلاں تے ملک نا خوشحال، متحد تے طاقت ور بنان ماکائے کسر نہ چھوڑاں۔

پڑھوتے سمجھو:

قومی یکجہتی	:	آپسی بھائی چارو
اعلیٰ	:	اُچی، بڑی
پسماندہ	:	پچھے رہن آلا، غریب طبقہ
متحد	:	اکٹھو، جس مائتحدوھے
اعزاز	:	انعام، تمغو

ہُن تم انہاں سوالاں گا جواب دیو:



- ۱۔ ڈاکٹر امبیڈکر کو جنم کت ہو یو؟
- ۲۔ ڈاکٹر امبیڈکر کا دادا کو کے ناں تھو؟
- ۳۔ ”امبیڈکر“ کوناں کس نے رکھیو تھو؟
- ۴۔ ڈاکٹر امبیڈکر کی وفات کد ہوئی؟
- ۵۔ ڈاکٹر امبیڈکر نا کہڑ واعزاز دتو گیو؟

خالی جگہاں نامناسب لفظاں سنگ بھرو:

ڈاکٹر بھیم راؤ امبیڈکر جنہاں نا ہم ”بابا صاحب امبیڈکر“ کا ناں سنگ وی یاد کراں قومی یکجہتی، بھائی چارے میل ملاپ نابڑھاو دین واسطے اپنی پوری زندگی..... کی۔
(خرچ، وقف، گزار)

ڈاکٹر امبیڈکر کا دادا مالوجی مہوگراں کا فوجی سکول کا..... تھا۔ (گورنر، ہیڈ ماسٹر، صوبے دار)

ہندوستان کا ہندوؤاں مانگھ لوک..... ذات کا دنیا جیں تھا۔ سماج مانہ کوئے ان کی فکر کرے تھوتے نہ ہی کوئے انہاں سنگ پیار کرے۔
(مندھری، چنگلی، اُچی)

بعد میں اعلیٰ تعلیم حاصل کرن واسطے..... توں باہر چلا گیا تے اُتوں اعلیٰ تعلیم حاصل کر کے واپس ہندوستان آ گیا۔
(ہندوستان، گراں، شہر)

ڈاکٹر امبیڈکر کا ذہن ما انسانیت تے انساناں نال محبت تے دوستی کی جیہڑی..... بلے تھی جس کے سنگ انہاں نے پوری زندگی ہر موقعہ ور کا میابی حاصل کی۔
(لو، خوشبو، سوچ)

جملہاں ما استعمال کرو:

